



Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 111. Scholæ in Parisiensi Jesuitarum Collegio inchoatæ.

[urn:nbn:de:hbz:466:1-67192](#)

Sæcul. XVI. personalem, unde ejus Discipuli Ubi
A.C. 1564. quisæ appellabantur.

§. CXI.

Scholæ in Parisiensi Jesuitarum Collegio inchoatæ.

Sacchini hist. **M**ense Augusto hoc anno Domini
Soc. Jes. l. 8. millefimo quingentesimo sexagesimo
n. 78. quarto Jesuitæ, cum suam societatem in Galliis approbatam cernerent, adibant Julianum San-Germanum tunc

Parisienis Universitatis Rectorem, qui proprio suo motu Facultate haud consulta die decima nona Septembris illis diploma concessit, atque eosdem sub privato Rectoris sigillo Universitati aggregavit: Itaque harum literarum auctoritate freti Collegium suum, quod Claromontanum Societatis Jesu Collegium appellabant, aperiunt, eratque i-stud ingens domus, quæ vulgo Lingensis Curia vocabatur, in platea sancti Jacobi sita, quam anno priori ab Episcopo Claromontano Prati Cancellarii Filio, qui pia legata fecerat, emerunt, ibidemque hoc anno die prima Octobris scientias publice tradere cœperunt, ubi primos Professores nominarunt Michaelem Vanegium pro humanioribus literis, Joannem vero Maldonatum Philosophico studio præfecerunt, scholium quamplurimis mox eo confluentibus.

Thu l. 37.
Argentre
Coll. Jud.
de novis er-
ror tom. 2.
p. 345.

tibus. Ceterum Maldonatus natione Sæcul. XVI.
Hispanus, ac Fontanæ-Magistri exiguo A.C. 1564.
Extremaduræ oppido natus, priusquam
Lutetiam Parisiorum avocabatur, Do-
minici Soti Dominicani, & Francisci
Toleti Jesuitæ Magisterio usus Salman-
ticæ studiis non sine profectu operam
navabat. Ceterum Jesuitæ vix præle-
tiones suas incipiebant, cum illico ve-
xationes recrudescerent; quippe Joa-
nes Prævotius, qui currente Menie O-
ctobri in Rectoris munere Juliano San-
Germano succedebat, omne scholarum
exercitium eisdem interdixit, donec
luculenter demonstrasset, quo jure li-
teras tradere aggressi essent. Editum
erat hoc edictum die vigesima Octobris.

§. CXII.

Quædam Simonis Vigoris proposi- tiones examinatæ.

Die secunda Martii hoc anno Parisi- Argent. l.c.
næ Facultatis Theologicæ Depu- p. 340.
tati, quibus res fidem concernentes dis-
cutiendi cura erat demandata, con-
ventum celebrabant, ut quasdam pro-
positiones a Simone Vigore ejusdem
Facultatis Doctore in quodam sermone
enuntiatas ad examen vocarent: accu-
sabatur enim is hæc proposuisse I. Ba-
ptismus collatus ab Hæreticis, & ma-
xime a Calvinistis non prodest ad sa-
lutem.